



भीमराव अम्बेडकर बिहार University, Muzaffarpur दे दीक्षांत समारोह गी सम्बोधत करदे होई आकखी। उनें आकखेया जे जिंदगी सिक्खने दा इक निरंतर सफर ऐ ते असेंगी नमीं चीजें दी खोज करदी रौहनी लोड़चदी ऐ।

<><><><><><>

CM- Social Welfare

मुख्यमंत्री उमर अब्दुल्ला होरें श्रीनगर दे SKICC च Empowering Communities Welfare for All यानि समुदायें दा सशक्तिकरण- सब्भनें लेई कल्याण विशे उप्पर अधारत ते इक-रोजा कार्यक्रम गी सम्बोधत कीता। अपने सम्बोधन च उनें इस गल्ला उप्पर जोर भरेया जे कल्याणकारी पैहलकदमियें गी समाज दे वंचित तबके तक्कर पजाना लोड़चदा ऐ न के छड़ा किश विशेषाधिकार प्राप्त लोकें गी एदा फैदा पुज्जे। उनें आकखेया जे सरकार दी नीतियें दा मकसद समुदायें गी सशक्त बनाना ते समान विकास यकीनी बनाना ऐ। मुख्यमंत्री होरें समाज दे सब्भनें वर्गे दी भलाई आस्तै सरकार दी प्रतिबद्धता गी दोहराया।

<><><><><><>

Itoo Drug Meanone

शिक्षा मंत्री स्कीना इतू होरें आकखेया ऐ जे नौजवानें गी नशाखोरी कोला दूर रक्खने लेई समाज गी इस बारे जागरुक करना बड़ा जरूरी ऐ ते एह जागरुकता छड़ी नां मातर नेही होनी लोड़चदी सगुआं, एहदा असर जमीनी सतह पर लब्भना लोड़चदा। कल श्रीनगर दे शेर-ए-कश्मीर अंतराष्ट्रीय कांफ्रेंस सैन्टर च लोआई गेदी हितधारकें दी पैहली-पैहली बैठक च बोलदे होई इतू

होरें आक्खेया जे, जागरुकता कार्यक्रम छड़े आयोजनें ते विचार सांझे करने तोड़ी गै सीमित नेही रौहने लोड़चदे, सगुआ एहदा असर जमीनी सतह पर बी लब्धना लोड़चदा। उनें आक्खेया जे इस पैहल कन्नै जेकर अस्स इक बच्चें जां नौजवान गी बी नशाखोरी च पौने कोला बचाने च कामयाब होने आं, तां एह समाज लेई इक बड़ा योगदान होग। मंत्री होरें इस मौके स्कूलें, कालजें दे आहले-दोआले CCTV कैमरे लाए जाने पर बी जोर दिता तां जे इने थाहरें कश हर गतिविधि पर नेड़मी तक्क रक्खी जाई सकै।

<><><><><><>

UPS -NPS

वित्त मंत्रालय नै नमीं शुरु कीती गई एकीकृत पेंशन योजना UPS थमां राष्ट्रीय पेंशन प्रणाली च इक-मुश्त -इक तरफा शामिल होने दी सुविधा शुरु कीती ऐ। इक आधिकारिकि अधिसूचना मुजब एह सुविधा UPS धारकें गी अपनी सेवा निवृत्ति दे इक बरे पैहले यां अपनी मर्जा कन्नै समें थवां पैहले पेंशनी होने दे त्रै महीने पैहले उपलब्ध होग। बर्खास्तगी निश्कासन जां अनुशासनात्क कारवाई दा सामना करने आहले कर्मचारी इस सुविधा दे पात्र नैई होगं।

<><><><><><>

Dar JKHPMC

राई-बाई सरबंधी मैहकमे दे मंत्री जावेद अहमद डार होरें कल श्रीनगर दे सिविल सचिवालय च जम्मू-कश्मीर बागबानी उत्पाद ते विपणन निगम दी 67मीं Board of Directors दी बैठक दी अध्यक्षता कीती। इस दरान निगम दी बक्ख-बक्ख विकास परियोजनाएं बारे विस्तृत विचार - विमर्श कीता गया। उनें निगम दी सम्पतियें दी तकनीकी विशेषता बधाने पर जोर दिता, तां जे

मौजूदा बाजार दी मंगें गी पूरा कीता जाई सकै ते इसदे इलावा इसदे कम्मकाज च तकनीकी विविधता बी आई सकै।

<><><><><><>

PM-MKB

प्रधानमंत्री नरेन्द्र मोदी होर 31 अगस्त ऐतवार दिनें 11 बजे अपने माहवार रेडियो कार्यक्रम “मन की बात” दे राएं देश-बदेश च रौहने आहले लोकें कन्नै अपने बचार सांझे करडन। एह इस कार्यक्रम दी 125मीं किशत होग जेहदा प्रसारण आकाशवाणी ते दूरदर्शन दे समूलचे नेटवर्क दे कन्नो-कन्नी आकाशवाणी खबरें दी वेबसाइट ते न्यूज़ ऑन ए.आई.आर मोबाइल ऐप ते डीडी न्यूज़, आकाशवाणी न्यूज़, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाहग। आकाशवाणी जम्मू आसेआ मन की बात दे तुरत मगरा एहदा डोगरी च अनुवाद प्रसारत कीता जाहग जिसी तुस रातीं 8 बजे इक बारी परतियै बी सुनी सकदे ओ।

<><><><><><>

Speaker Statehood

जम्मू-कश्मीर विधान सभा दे स्पीकर अब्दुल रहीम राथर होरें कल इक बारी परतियै, जम्मू-कश्मीर गी राज्य दा दर्जा बदाने दी मंग गी दोहरांदे होई आक्खेया ऐ जे लोकें दियें आसें-तांहगें गी पूरा करने लेई लोकतांत्रिक संस्थानें दा बड़ा मता महत्व ऐ। नमीं दिल्ली च कुल भारतीय स्पीकरस सम्मेलन दे बाहरे पत्रकारें कन्नै गल्लबात करदे होई राथर होरें इस बारे प्रधानमंत्री नरेन्द्र मोदी आसेया दोआए गेदे भरोसें दा बी जिक्र कीता ते आक्खेया जे मोदी होरें आपू इस

गल्लै दी यकीन दिहानी कीती ही जे जम्मू-कश्मीर गी तौले परतियै इक राज्य दा दर्जा देई  
दिता जाहग.

एहदे शा पैहले भारत “लोकतंत्र दी जननी” विषय पर अपने सम्बोधनै च राथर होरें आक्खेया जे  
भारत दुनिया दा सब्भनै शा पुराना ते बड्डा लोकतंत्र ऐ ते लोकतंत्र एहदिये परम्पराएं, एहदी  
संस्कृति ते एहदी रग-रग च बसे दा ऐ।

<><><><><><>

Dar-JKHPMC

राई-बाई सरबंधी मैहकमे दे मंत्री जावेद अहमद डार होरें कल श्रीनगर दे सिविल सचिवालय च  
जम्मू-कश्मीर बागबानी उत्पाद ते विपणन निगम दी 67मीं Board of Directors दी बैठक दी  
अध्यक्षता कीती। इस दौरान निगम दी बक्ख-बक्ख विकास परियोजनाएं बारे विस्तृत विचार-  
विमर्श कीता गया। उनें निगम दी सम्पतिये दी तकनीकी क्षमता बधाने पर जोर दिता तां जे  
मौजूदा बाजार दी मंगे गी पूरा कीता जाई सके ते इसदे इलावा एदे कम्मकाज च तकनीकी  
विविधता बी आई सकै।

<><><><><><>

Weather

जम्मू क्षेत्र दे बक्ख-बक्ख थाहरें च कल रातीं थमां लगातार बरखा होई करदी ऐ। मौसम  
मैहकमे नै जम्मू, रियासी, उधमपुर, साम्बा, कठुआ ते राजौरी जिले दे बक्ख-बक्ख थाहरें पर  
भारी बरखा ते केई थाहरें हलके थमां दर्मयानी बरखा ते बददल गरजने दी पेशगोई कीती ऐ।

खराब मौसम गी दिक्खदे होई जम्मू संभाग दे सारे सरकारी ते प्राईवेट स्कूल अज्ज लगातार दूए दिन बी बंद रौहगंन। मौसम दे मददेनजर 27 अगस्त तककर उय्यै इलाकें बददल फटने, हाड़ औने, संभावत थाहरें पर जमीन खिसकने ते पानी आहले स्रोतें थमां दूर रौहने लेई अधिकारियें लोकें गी आक्खेया ऐ।

<><><><><><>

## PTC Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बशकार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट [www.newsonair.gov.in](http://www.newsonair.gov.in) पर उपलब्ध ऐ।

<><><><><><>